



Te Avae Setepa 1959

TE HEHEURAA API

Ua Faatiahia Mai; Mai Te Pohe Mai, Te Hoê Tamaiti E Te Hoê Tamahine.

(*Luka 8-13 - Mataio 9.*)

O Iaerio ia te hoê o te mau taata rahi i roto i te mau sunago o te mau ati Iuda ra. Te pohe ra ta'na tamahine e ua haere mai oia ia Iesu no te faaora ia'na ra.

A haere atu ai Iesu i to'na ra fare, ua rahi roa te taata tei tueve mai Ia'na. E i rotopu ia ratou ua haere atoa mai te hoê vahine tei pohe i te ma'i no na matahiti e hoê ahuru e ma piti ra. Aita roa i tia i te hoê taote i te faaora ia'na. Ua haere mai oia e ua faatiaia i te hiti o to'na ra ahu, e i taua taime ra ora roa a'era oia.

Fariu atura Iesu ma te parau e, "*O vai tei faatiaia mai Ia'u nei?*"

Parau atura te mau pīpī Ia'na e, aita roa ratou i faatiaia noa'tu Ia'na, e na ô atura o Petero e, "*E te Fatu, ua tueve mai te mau taata ia Oe.*"

Na ô atura te Fatu, "*Ua faatiaia mai te hoê Ia'u, ua ite hoi Au, e e mana tei reva'tu no ô nei atu Ia'u nei.*"

Haere maira taua vahine ra, ma te rurutaina rahi. Hi'a ihora oia i mua Ia'na e fa'i atura oia, i mua i te aro o te mau taata atoa, ua faatiaia'tu Oia ia'na e ua ora ihora oia i taua taime ra.

Na ô atura Oia ia'na, "*E faaitoito, e Ta'u tamahine, ua ore oe i to faaroo; ia ora na i te haerea.*"

E a aparau noa'i ratou i reira, haere maira te hoê ve'a no te fare mai o Iaerio ra, e ua na ô mai oia ra, "*Ua pohe roa to tamahine, atire, a haarahi te orometua.*"

Ua faaroo o Iesu i taua parau poroi ra, e ua na ô atura Oia, "*Eiaha e mata'u, e faaroo noa mai, e ora ia oia.*"

E i reira haere atura ratou i te fare o Iaerio ra, e i reira ite atura Iesu i te mau hoa o te utuafare i te oto noa-raa. Na ô atura Oia ia ratou, "*Eiaha e oto; aore oia i pohe, ua taoto ra.*" Tahitôhitô maira taua mau taata ra la'na no To'na parauraa i te reira parau, no te mea e, ua ite ratou e, ua pohe mau oia ra.

Faane ihora te Fatu ia haere te mau taata atoa i rapae te fare ra, maori râ te metua tane, te metua vahine o te tamahine, o Petero, o Iakobo e o Ioane. I muri a'e i to te mau taata haereraa i rapae, rave ihora Oia i taua tamahine ra na te rima e na ô atura, "*E teie nei potii, a tia.*" Tae faahou maira to'na varua i roto i to'na ra tino e ua tia mai oia, no nia mai i te ro'i ra e faane atura Iesu ia horoahia te maa na'na ra.

E mai reira haere atura te Fatu, e ta'na ra mau pipi, i te oire ra i Naina, e ua rave rahi te taata tei apee atu ia ratou. I to ratou taeraa'tu i te uputa o te oire farerei atura ratou i te hoê taata pohe i te hopoiraahia mai, e tamaiti fanau tahi na te hoê vahine ivi ra. Ua rahi te aroha o Iesu i te metua vahine tei oto noa ra, e haere atura Oia i vahi tei reira te tino i te vairaa, e parau atura, ma te reo rahi, "*E teie nei taata api, a tia, te parau otu nei Au ia oe.*"

Ho'i maira te ora i roto i to'na ra tino e parahi ihora oia, e horoa'tura te Fatu ia'na i to'na metua vahine no te haapao ia'na ra. Tae maira te mātā'u i nia i te mau taata tei ite i te reira, e haamaitai ihora ratou i te Atua i te na ôraa e, "*E peropheta rahi teie i tupu iho nei i roto ia tatou nei, e ua hi'o aroha mai te Atua i to'na taata.*" Parauhia'tura te reira parau e ati noa a'e te fenua i Iuda ra.

E i muri iho haere atura Iesu i te fenua o to Gadara ra, tei reira te hoê taata tei uruhia e te demoni. Aore oia e ahuna i te ahua, aore e parahi i te fare, e tia râ i roto i te mau menema ra. No to'na puai rahi eita roa e tia ia ruuruubia oia, e no te rahi o to'na reo ia pii ra, ua mātā'u te mau taata ia'na.

I to taua taata iteraa mai ia Iesu, ua pii mai oia ma te reo puai, "*Eaha ta oe ia'u nei e Iesu e, e te Tamaiti a te Atua teitei? Teie ta'u parau ia oe, eiaha na oe e haamauini mai ia'u.*"

Ua ui atura Iesu ia'na, "*O vai to oe na i'oa?*" Na ô maira taua taata ra, "*O Legeona: e rave rahi hoi te demoni i ô i roto ia'na.*"

Ani atura to mau demoni ia Iesu eiaha ratou ia faaruehia ia haere. Ua rave rahi te mau puua tei taua vahi ra e ani atura te mau demoni e, e tia anei ia ratou ia haere atu i roto i te mau tino a te mau puua, e faatia'tura Iesu i te reira aniraa a ratou ra. Faarue ihora te mau demoni i taua taata ra e haere ana'e atura i roto i te tino o te mau puua, e horo pupara'tura taua nānā puua i roto i te mato e i raro roa i te roto ra, e pohe atura ratou. Mātā'u roa a'era te mau taata o Gadara, tei ite i taua mea ra, e horo ê atura ratou i te tahi atu pae o te fenua ra.

Area te taata no roto atu ia'na te mau demoni i te haereraa'tu i rapae, ua ahua faahou i te ahua e ua parahi noa i te pae avae o Iesu ma to'na aaui mau iho â.

Area te tahi atu pae o te mau taata o Gadarena ra, o tei faaroo i te parau no te mau mea i tupu ra, haere maira ia Iesu e ani atura ratou ia'na ia haere ê atu i to ratou ra fenua, e no reira pauma atura Oia i nia i te hoê pahia e haere atura i te fenua i Galilea, te vahi i farii-maitai-hia Oia e te mau taata ra.

Marcel Bonnet

Te Basileia O Te Atua.

“E au te basileia o te ao i te hoê huero sinapi na te hoê tuata i tanu i roto i ta’na ra aua; e huero iti haihai ia i te mau huero atoa nei, ia tupu râ e rahi ia i te mau raau rii atoa, e e riro ei raau rahi, e e tau noa mai te mau manu o te reva i roto i te mau amaa.” (Mataio 13:31-32.)

E homa, aita roa o Iesu i faahiti mai i te faaauraa o teie nei parabole. No te aha Oia i na reira’i? Teie paha, no te mea tei ia tatou atoa nei te Autahu’araa Mo’a a te Atua, mai Ta’na i parau atu i Ta’na mau Aposetolo, tei ia outou atoa hoi te ite i te mau parau aroaro o te basileia o te ao, (Mataio 13:10-11.) E na roto i te faaho’iraahia mai, o taua mana ra, i te anotau hopea nei, o to tatou ia tiaraa i te faaite i teie nei mau parau aroaro o te basileia o te ao ra.

Te tatara nei tatou i teie nei Parabole.

E Uiraa: Eaha ia te Basileia o te ao.

Pahonoraa: O te hoho’a ia o taua Basileia o te ao ra, tei patuhia i nia iho i te fenua nei, oia hoi, o te Basileia o te Atua, o te Ekalesia ia a Iesu Mesia I Te Feia Mo’a I Te Mau Mahana Hopea Nei; e ia tae i te tau e tae mai ai te Tamaiti a te Atua, ei reira ia te Basileia o te ao e haere mai ai, e e haere atu hoi te Basileia o te Atua e e e farerei raua i ropu i te reva nei. (Buka Fafau Sanito 65:1; Buka Fafau 65:5-6; I Tesalonia 4:16.)

O vai te taata tei tanu i teie nei huero? O te Peropheta ia o te anotau hopea nei, oia hoi, o Iosepha Semita ia, i te 6 no Eperera, i te matahiti 1830. (Buka Parau tuatapapa ro Iosepha Semita, api 54)

O vai ia te Fatu o teie nei huero?

O Iesu Mesia iho ia, mai Ta'na iho i parau. (Mataio 13:3-9-38.) e te aua ra, o teie nei ia ao. Mataio 13:38.)

No reira, te ite nei tatou e, o te Fatu o teie nei huero, o Iesu Mesia iho ia; te huero ra, o Ta'na ia Evanelia mure ore, oia hoi, o te Ekalesia; te tavini tei tannu, o te Peropheta ra, o Iosepha Semita; tei faararirari i te pape ra, o te mau Mitinare ia i te ao atoa nei; e o te tei faatupu ra, o te Atua ia, mai ta Paulo i faaite. (I Korinetia 3:6.)

E riro ia ei raau rahi, e e tau noa mai te mau manu o te reva i roto i to'na ra mau amaa. Oia mau roa te reira, na faaite-papu-hia mai te reira i te Peropheta ra ia Iosepha Semita, na roto i te hoê heheuraa i te ava'e no Atopa i te matahiti 1831, tei na ô mai to'na ra tai'oraa: "*Ua horoahia te mau taviri o te basileia o te Atua i te taata nei, i nia i te fenua nei, e e na reira'tu hoi te Evanelia i te tereraa'tu i te mau hopea atoa o te fenua nei, mai te ofai tei ostihia mai, no nia mai i te mou'a, ma te rima ore, i te tereraa'tu e tae noa'tu i te faa i roa-raa i te fenua nei.*" (Buka Fafau Sanito 65:1; Buka Fafau 65:2.)

E te tumu o teie nei raau ra, o te Pu rahi faatere ia o te Ekalesia nei, e te mau amaa rarahi o teie nei raau ra, o te mau Titi ia e te mau Misioni o te Ekalesia nei; e te mau amaa rii nainai o teie nei raau ra, o te mau Amaa i roto i te mau Titi, e te mau Misioni hoi, e te mau manu tei tau mai i roto i taua mau amaa ra, o te mau melo ia tei roaa mai na roto i te poro-raa-hia o te Evanelia i te 6 no Eperera, i te matahiti 1830, oia hoi, e 6 noa iho manu i nia i teie raau, e ia tae roa mai i te 6 no Eperera, i te matahiti 1958, teie ia te rahiraa o te mau manu i nia i teie raau, i teie nei mahana, oia hoi, 1,555.799 melo.

Na to outou taeae i te faaroo, Marurai â Mahuru.

LES "ARTICLES DE FOI"

QUATRIEME ARTICLE DE FOI

Une des déclarations les plus fréquentes des Saints des derniers jours est celle de leur quatrième article de foi: "Nous croyons que les premiers principes et ordonnances de l'Evangile sont: (1) la foi au Seigneur Jésus Christ; (2) la repentance; (3) le baptême par immersion pour la rémission des péchés; (4) l'imposition des mains pour le don du Saint-Esprit."

Cette déclaration contient quatre sujets séparés qui peuvent être considérés en détail, et chacun pourrait fournir matière à une leçon complète. En vérité, maints grands sermons ont été donnés et maints traités écrits sur les sujets de la foi, de la repentance, du baptême et des dons du Saint-Esprit.

Qu'est-ce que la foi? Il existe bon nombre de définitions. Y a-t-il une différence entre la foi et la croyance? Entre la croyance et la connaissance?

Qu'est-ce que la repentance? est ce plus que "ne pas répéter l'erreur ou le péché"

Et le baptême est-il une alliance? Si oui, que promettons-nous de faire, ou de ne pas faire?

Pourquoi le don du Saint-Esprit est-il accordé à l'homme? qu'est-ce que ce don?

Discutons tous ces sujets un à la fois.

Premièrement la foi.

Pouvez-vous donner une définition de la foi? Une des meilleurs a été donnée par feu James E. Talmage: "une confiance et une fidélité totales en l'être, les buts et les paroles de Dieu." ("Article de foi", page 113)

Ce genre de foi diffère de la croyance. Il est facile de croire, car même le diable croit en Dieu. Mais la foi va plus loin. La foi est active et positive. Si la foi est passive, elle est morte, Si la foi est morte, qu'en reste-t-il?

La connaissance n'est pas suffisante. Rien que le fait de connaître que Dieu existe ne détermine pas une personne à l'action. La foi est quelque chose comme l'essence dans un moteur. Sans l'essence le moteur ne fonctionnera jamais. Sans foi et sans confiance en Lui, sans l'aimer, vous ne serez jamais inspirés.

Certains individus ont plus de foi que d'autres. Certains possèdent une foi ferme et inébranlable, avec la force d'accomplir des miracles. Mais la plupart des gens n'ont pas ce genre de foi. Les gens doivent se rappeler que la foi peut s'accroître si elle est encouragée. Le grand prophète Néphite, Alma, compare la foi à un arbre:

“Mais si vous cultivez la parole; si vous cultivez l'arbre dès qu'il commence à croître, en foi, en diligence et avec patience, espérant en recevoir du fruit, il prendra racine, et il deviendra un arbre croissant à la vie éternelle.”

Et par votre diligence, par votre foi et votre patience à cultiver la parole pour qu'elle prenne racine, incontinent vous en recueillerez le fruit qui est ce qu'il y a de plus précieux, de plus doux au-dessus de tout ce qui est doux, blanc au-dessus de tout ce qui est blanc, et pur au-dessus de tout ce qui est pur; et de ce fruit vous vous régalez, même jusqu'à satiété, à n'en avoir plus ni faim ni soif. “(Alma 33:41-42)

Quelle est l'importance de la foi en ce qui concerne votre salut? Fera-t-elle que vous soyez sauvés dans le royaume de Dieu ou non? Nous avons appris précédemment qu'on ne peut être sauvé de la mort que par le sacrifice expiatoire de Jésus-Christ. Mais il est absolument nécessaire de ce rappeler que la foi en Jésus-Christ est essentielle pour obtenir l'exaltation.

Le Sauveur a dit: “Celui qui croira et qui sera baptisé sera sauvé, mais celui qui ne croira pas sera condamné.” (Marc 16:16) Il voulait dire une acceptation passive, inactive.

Notez ses paroles dans Mathieu 7:21 : “Ceux qui me disent: Seigneur, Seigneur! n'entreront pas tous dans le royaume des cieux, mais celui-là seul qui fait la volonté de mon Père qui est dans les cieux.”

(à suivre)

Soumis par l'Ancien Toni Stone

Te Pupu “QUORUM” PERESIBUTERO

PUPU MATAMUA I TE MISIONI.

EI TAUPOO ANEI TO TE VAHINE IA

HAERE I TE FARE PURE?

Te ui ra ta tatou upoo parau e: “*Ei taupoo anei to te vahino ia haere i te Fare Pure?*” E mea papu roa e, e piti ia na pahonoraa te pahonohia i nia i tana uiraa ra, e taua na pahonoraa ra, o teie ia, oia noi, e E te tahi, te tahi ra, e AITA ia. Ia haere tatou na nia i te mau purumu, i te mahana Sabati, e ite tatou e, ua faanehenehe maitai roa te mau vahine, e mai te tuu hoi i te hoê TAUPOO nehenehe maitai i nia i to ratou ra mau upoo. E ere ana'e i te reira, ia hi'o ra tatou, i roto roa i te mau Fare Pure, ei reira ia tatou e ite maitai atu ai e, o te taatoaraa o te mau vahine i reira, e taupoo ana'e to ratou e hope roa a'e. No reira tupu atura te mana'oraa e, e paha, e mau ture, e a ore ra, e mau faaneraa paha tana mau peu ra na te Faaroo, oia hoi, te Ekalesia.

Teie ohipa, e a ore ra, teie nei peu, oia hoi, te tuuraa i te taupoo i nia iho i te upoo o te mau vahine, a haere ai ratou i te mau pureraa, aita roa te reira peu e itehia nei i nia iho i te taatoaraa o te mau rahiraa vahine e haere nei i roto i te mau Fare Pure a te Haapaoraa “Momoni”. Teihea mau ia te tia mau? Te oreraa, e a ore ra, te raveraa i te taupoo? Oia mau roa ra, e mea nehenehe mau ia mataitai

i te rahiraa o te mau taupoo nebenehe te tuuhia i nia i te upoo o te mau vahine. E oia atoa hoi e mea nebenehe atoa ia mataitai noa i te mau rouru rii nebenehe tei ore i tapo'hia e te mau taupoo i roto i te Fare Pure.

E hi'ohi'o rii râ tatou i te parau a te Atua tei papaihia i roto i te I Korinetia 11:15 tei na ô mai e: "*O te vahine râ ia maoro (oia hoi, ia roroa) to'na rouru, e mea unauna ia ia'na; no te mea i horoahia mai to'na ROURU EI TAPO'I.*"

E homa, mai te mea e, o te rouru roroa o te vahine tei horoahia mai ei tapo'i no to'na ra upoo, eaha ihora ia te tia ia rave i te taupoo, tei hamanihia e te taata nei, ei tapo'i no te mau upoo o ta tatou mau vahine. Eita roa hoi tatou e tia ia faahapa'tu i te parau a te Atua, ia haapao ra i te reira. Te na ô nei o Paulo e; "*E ere hoi tei faaroo noa i te ture ra, i te feia parau-tia i te aro o te Atua, o tei haapao râ i te ture ra, o te parauhia ia e, e feia parau-tia.*" (Roma 2:13.)

E homa e, a vaiiho noa'tu na i teie mau vahine taupoo-ore ia haere noa na i ta ratou ra Fare Pure, eiaha e faahapa'tu, te tia ra hoi ratou i te ture a te Atua.

Taumata Tekuravehe

E Ravea Faaora.

Mai te au i ta tatou i ite, na riro ihoa te faaroo ei ravea ora i roto i to tatou nei oraraa. I te haamataraa, e faatae mai oia, ia tatou, te fariiraa e o Iesu Mesia o te Tamaiti mau ia a te Atua, o Oia ihoa te Faaora e te Taraehara o to te ao nei. I muri iho e aratai Oia ia tatou i te iteraa e, e mea tia roa ia tamâhia ta tatou mau hara, tei ravehia e tatou, mai te mea e hinaaro tatou ia farii i te mau haamaitaraa i parauhia mai. Na te reira e aratai atu ia tatou i te tatarau

hapa, E i muri iho, e aratai te faaroo ia tatou i roto i te pape no te bapetizoraa, e i reira e farii ia tatou i te faaoraraa i te mau hara ta tatou i haavi i roto i to tatou tatarahaparaa. No te mea ua mâ tatou i ta tatou mau hara, e arataihia tatou e te faaroo i te fariiraa i te Varua Maitai, o te riro ei aratai ia tatou i to tatou oraraa nei e ia ora tatou ma te rave i te ohipa maitai i roto i te taviniraa i te Fatu ra.

Mai te tatararaa i au i te reira huru te ite nei ia tatou e, o te faaroo ra, o te hoê ia mana o te faatere i to tatou nei oraraa, e te huru ia no te mana, te tupuraa e te tiamâraa. Ua na ô atura o Paulo i to Hebera e, "mai te mea aita e faaroo, eita roa ia e tia ia tatou ia haamauruuru atu i te Atua." E ture mau te reira, te tia hoi i te mau taata atoa ia farii. E horoaraa no te ra'i mai o te horoaraa mai i te mau taata atoa o te ani haehaa'tu i te reira.

Mai te mea aita te reira ia outou, i teie nei, e tia ia outou ia farii i te reira na roto i te pure mau Ia'na o tei riro ei horoa i te mau horoaraa maitatai ra. Ia noaa ana'e te faaroo, a faarave i te reira i te ohipa, no to outou iho maitai e i te hopea e farii paha outou i te ora ta te Fatu e horoa mai no outou. Teie ra, a haamana'o maitai, o te faaroo ra, o te taahiraa matamua noa iho ia. E mea tia ia apee'hia'tu te reira i te tahi atu â mau taahiraa. Ua tatarahapa anei outou i ta outou mau hara? Ua farii anei outou i te bapetizoraa mau, i roto i te pape, no te faaoreraa i ta outou mau hara? Ua farii anei outou i te horoaraa o te Varua Maitai? Ua taa anei ia outou e, e mea nahea te reira mau haamaitairaa o te evanelia e noaa'i ia outou na?

I roto i te aparauraa i mua nei, e parau ia tatou i nia i na ture e na oro'a e toru ra; e tatara'tu ia vau i te reira, e mea nahea te reira e faaterehia'i mai te au i te papairaa mo'a, e e i hea hoi te reira e noaa mai ai. I roto i te aparauraa i mua nei, e aparau ia tatou no nia i te "Tatarahapa i roto i te ora."

Te Tatarahapa i Roto i Te Ora.

Hou o Iesu i haamata'i i Ta'na ohipa i mua i te aro o te taata, ua arataihia Oia e te varua, "i te medebara ra ia faahemahia oia e te diabololo ra. Ua haapae ihora Oia i te maa e maha ahuru o te rui e e maha ahuru o te ao, e oti a'era poia ihora Oia. Ua haere maira taua faahema ra, na ô maira Ia'na, "E Tamaiti Oe na te Atua ra, a parau i teie nei mau ofai ia tiro ei maa." Ua parau atura Oia, na ô atura, Ua papaibia e, e ore te taata e ora i te maa ana'e ra, i te mau mea atoa ra i haapaohia e te Atua." (Mataio 4:1-4)

Ua rau te huru o to'na faahemaraahia, e i te hopea na faaite atura te diabololo la'na te mau basileia o te ao ra, e to ratou atoa hoi hanahana, e ua na ô atura, "E horoa'tu van i teie nei mau mea atoa ia Oe na ia tipapa mai oe i raro e haamori mai ia'u." Ua parau atura Iesu. "E haere ê atu oe, e Satane; ua oti hoi i te papaibia, o te Atua o Iehova ta oe e haamori, e Oia ana'e ra ta oe e faaroo. Faarue ihora te diabololo la'na e, inaha e mau melahi tei haere mai e ua tauturu maira Ia'na. I reira to Iesu haamataraa i te a'o, i te na ô raa e, "A tatarahapa, te fatata mai nei te basileia o te ao." (Mataio 4:9-11, 17)

Na roto i to'na iho faahemaraa, ua taa maitai atura ia Iesu i te mana o te ume atu i te taata ia rave i te hara. Na roto i to'na patoiraa i te faahemaraa, ua ineine atura Oia no te haapii atu i te taata e mea nahea te oraraa i te hoê oraraa maitai, e ia ape hoi i te mau marei e te mau hi'araa ta te metua o te hara e tuu nei i nia i to tatou mau e'a.

No To'na ite i te faufaa ore o te mau parau a Satane e te haavare hoi i te peeraa'tu na muri ia'na ra, ua haere te Fatu e ua tiaoro atu i te mau taata ia tatarahapa, ia faarue ratou i te mau ino, e ia tupu hoi i te rahiraa.

Te Tumu No Te Haereraa i Mua

Te faaite mai nei te taata ra o Browning e, te ture rahi o te oraraa nei, o te haereraa ia i mua, e e tia hoi ia tatou ia amui atu e, te tatarahapa ra, o te tumu mau ia no te haereraa i mua. I te mau taime atoa a haavi ai tatou i te hoê hape, o te haaparuparu e o te tapea hoi ia tatou, te tiamâ ra tatou i te mau fifi e ua haere ia tatou i mua ma te vitiviti mau.

Teie te parau a te taata ra o Longfellow no nia i taua tumu parau ra:

Oia mau, ua parau mai oe e

E tia roa ia tatou ia tuu atu tatou i to tatou mau hape i roto i te hurn o te hoê e'a, e mai te mea e painu tatou i nia i te reira, e taatoahi ia tatou, i raro a'e i to tatou na avae, te mau hape atoa tei ravehia e tatou.

O teie ihoa te hinaaro rahi o te Atua, oia hoi, te faa-teiteiraa'tu i te taata i te hoê vahi teitei, te aratairaa'tu i te taata i te hoê vahi teitei, te aratairaa'tu hoi ia'na i roto i te haereraa i mua, te tautururaa'tu ia'na ia tupu "tatou atoa nei ei taata paari" i te faaroo hoê e te ite hoê i te Tamaiti a te Atua, ia taea te faito ra i te î o te Mesia i te rahi. (Ephesia 4:13) Ua faarahi-roa-hia te reira parau i roto i te papairaa mo'a, e Iesu iho, a faaue mai ai Oia e, "Ia maitai roa hoi outou mai to outou Metua i te ao e maitai roa ra." (Mataio 5:48)

Pou T. Moo

TE SABATI MATĀMUA

Na roto i te ohipa rahi tei ravehia, e te Fatu, ua faa-taahia ihora te taime o te poieteraa, o teie nei ao, i roto i na taime too ono ra. Mai te au i teie nei parau ua topahia ihora, i nia i te reira tau, to parau ra hoi, e mahana. Area tana mahana nei ra, e ere ia i te mahana mai te au i to teie nei tau, oia hoi, te mahana tei haapaohia i na hora e piti

ahuru e ma maha ra, no te mea, inaha, i te taime a poiete ai te Fatu i teie nei ao, aita â ia te mahana i hiti mai no te faataaraa i te rui e te ao ra. Aora â hoi taua mau mea ra i poiotehia.

I te mahana matamua na hamani ihora te Fatu i te maramarama. I te piti o te mahana na faataa atura Oia i te ra'i i te mau materia ta'ua i faataa no te poieteraa i teie nei ao. I te toru o te mahana, ua hamani ihora Oia i te mau miti a faataa atu ai i te repo maro o Ta'na hoi i tanu atu i te mau raau hotu o teie nei ao. I te maha o te mahana ua faanaho ihora Oia i te mahana, e te aya'e e te mau fetia hoi no te horoa mai i te maramarama i nia i teie nei ao, e o te faataa mai hoi i te mau mahana, te mau arui e na tau too maha o te matahiti nei.

I te pae o te mahana, poiote ihora Oia i te mau mea ora atoa o te moana, e te mau manu atoa o te reva nei. Ia tae râ i te ono raa o te mahana, poiote atura te Fatu i te mau huru animala atoa, e oia atoa hoi te taata nei. I muri a'e i te reira tae maira te hitu o te mahana; area i tava taime ra ua haapae ihora te Fatu i ta'na ra ohipa e ua haamo'a ihora hoi i taua mahana ra, o tei riro atoa hoi ei Sabati matamua.

I te taime te Fatu i haamo'a'i i taua mahana No'na ra, ua titau atoa mai Oia ia haamo'a atoa tatou, ta'na ra mau tamarii, i te reira. Te faaue mai ra hoi Oia, ia tatou nei, ia haapae noa'tu fatou nei i taua mau mea ra i te mahana Sabati. Area ra, e ere no tatou ana'e te reira mau faaue-raa, maori ra, no to tatou atoa hoi mau hoa, e no te mau animala atoa hoi tei fatuhia e tatou nei. Aore hoi te Sabati i faataahia ei mahana arearearaa, maori ra, ia haamohia te Atua i taua mahana ra, e na roto i Ta'na ra mau Perohpeta ua faaite mai te Fatu i ta'na ra mau opuaraa.

Iosepha R. Reeder

PARAU RII API

Ta Tatou Amuiraa Rahi.

Ua faataahia te ava'e Setepa ei mahana amuiraa, no te farerei raa te Peresideni Misioni, e to'na hoa, e tae noa'tu i te mau Orometua, i te mau melo no te Ekalesia, no to ratou tae raa mai i teie amuiraa.

Ua faaite hia i roto i te mau rata, tei haaponohia i te mau Amaa atoa, te hinaaro rahi o te Peresideni Misioni, ia tae mai to te mau Amaa atoa i teie amuiraa, tei haapaohia i teie matahiti. Te vai ra te mau haapiiraa tei faataahia na te mau taata Toro'a, e te mau taata faatere o te mau pūpū atoa o te Amaa, e tae noa'tu i te mau orometua haapii no te mou pūpū atoa o te amaa, e mau melo atoa. Te vai atoa ra te tahi mau parau apî tei mana'ohia na tatou.

No reira, te parau atu nei te Heheuraa apî e, a haere rahi mai outou i teie amuiraa, o te haamatahia i te 16, e tae noa'tu i te 22 no Setepa.

Mahana Toru te 16 no Setepa: Soirée

Mahana Maha te 17 no Setepa: Soirée

Mahana Pae te 18 Setepa

Hora 9:30 - Pureraa Amuiraa

Hora 3:00 - Fariiraa e te Papairaa I'oa (no te mau melo no te Ekalesia, i te Fare Basket)

Hora 7:00 - Hautiraa popo

Mahana Maa te 19 no Setepa

Hora 9:30 - Pureraa Amuiraa

Hora 2:00 - Picnic na te mau tamarii

Apooraa na te mau Peresideniraa Amaa
e te mau Papai Parau o te mau Amaa
Pureraa na te Mau Tuahine (te Sotaiete
Tauturu)

Faaineineraa no te Oriraa Piru e te
Matie

Hora 8:00 - Te Oriraa Piru e te Matie

Sabati te 20 no Setepa

Hora 8:00 - Pureraa Autahu'araa

Hora 9:00 - Pureraa Amuiraa

Hora 2:00 - Pureraa Amuiraa

Hora 7:00 - Pureraa reo Farani

Monire te 21 no Setepa

Hora 9:00 - Apooraa na te mau feia faatere e te mau orometua pūpū atoa

Hora 11:00 - Tamaaraa Rahi

Hora 7:00 - Himeneraa Tarava e te mau pièce no

Huahine	Paea	Papenoo
Tevaitoa	Papeete	Scouts

Mahana Piti i te 22 no Setepa

Hora 9:00 - Pureraa Amuiraa i raro a'e i te faatereraa a te Feia Apī

Hora 11:00 - Apooraa na te mau feia faatere no te Paraimere.

Ua Ho'i Atu to Tatou Peresideni Tahito ra, o

Ereneta â ROSITERA, i To'na Fenua Ai'a.

I te 16 no Atete i mairi a'enei, ua ho'i atu to tatou Peresideni tahito ra, o Ereneta â ROSITERA, i to'na fenua ai'a, na nia i te pahi ra te Mariposa.

E faaea'i to tatou Peresideni Tahito i rotopu ia tatou nei ua faatupu oia i te anaanatae i rotopu i te mau Feia Mo'a ia faatura ratou i to tatou Hau Farani, no te mea e, o te reira ia te hinaaro rahi o to tatou Peropheta ra, o Davida O. Make.

Te Hoho'a No Ta Tatou Ve'a. Te Fare Tapearaa i Karateti

I nia i te tapoi o to tatou ve'a te ite nei tatou i te hoho'a no te fare tapearaa tahito i Karateti, Ilinoi.

I te 24 no Tiunu, i te matahiti 1844, ua tuuhia te Peropheta ra, o Iosepha Semita, e to'na taeae, o Haeramu Semita, o Viriati Ritedi, e o Ioane Tela, i roto i teie nei fare tapearaa e to ratou mau enemī. Ua faaea ratou i roto i taua fare ra, no na mahana e toru, e i muri a'e i te reira tau ua tae mai te mau enemī o tei haere mai, te tahi pae o ratou i roto i te fare tapearaa, a parahi noa'i te tahi pae irapae mai. I taua taime ra ua ite mai te mau enemī, tei parahi i rapae mai i te fare tapearaa, ia Iosepba na roto i te maramarama o te tahua i nia ra. I te reira taime ua pupuhi ihora ratou ia'na e no to'na ra putaraa mairi mai nei oia i pihaiiho i te fare tapoi i te apoo pape.

POU MOO *Gérant et Imprimeur, Papeete, Tahiti.*
